

Nyanja - Zauzimu Nkhondo Kuyamba Malembo - SW Intro Scriptures

Luka 17:5 Ndipo atumwi anati kwa Ambuye, Mutionjezere cikhulupiriro.

ARoma 10:17 Comweco cikhulupiriro cidza ndi mbiri, ndi mbiri idza mwa mau a Kristu.

Luka 11:1 Ndipo kunali, pakukhala iye pamalo pena ndi kupemphera, m'mene analeka, wina wa ophunzira ace anati kwa iye, Ambuye, tiphunzitseni ife kupemphera, monganso Yohane anaphunzitsa ophunzira ace.

1 Timoteo 2:1-4 Ndidandaulira tsono, moyambayamba, kuti acitike mapembedzo, mapemphero, mapembedzero, mayamiko, cifukwa ca anthu onse; 2 cifukwa ca mafumu ndi onse akucita ulamuliro kuti m'moyo mwathu tikakhale odika mtima, ndi acet e m'kulemekeza Mulungu, ndi m'kulemekezeza monse. 3 Pakuti ici ncokoma ndi colandirika pamaso pa Mulungu Mpulumutsi wathu; 4 amene afuna anthu onse apulumuke, nafike pozindikira coonadi.

Zekariya 3:1,2 Pamene po anandionetsa Yoswa mkulu wa ansembe alikuima pamaso pa mthenga wa Yehova, ndi Satana alikuima pa dzanja lace lamanja, atsutsana naye. 2 Ndipo Yehova anati kwa Satana, Yehova akudzudzula, Satana iwe; inde Yehova amene anasankha Yerusalemu akudzudzula; uyu sindiye muuni wofumulidwa kumoto?

AEfeso 6:12 Cifukwa kuti kulimbana kwathu sitilimbana nao mwazi ndi thupi, komatu nao maukulu, ndi maulamuliro, ndi akucita zolimbika a dziko lapansi a mdima uno, ndi a uzimu a coipa m'zakumwamba.

AEfeso 6:10,11 Cotsalira, tadzilimbikani mwa Ambuye, ndi m'kulimba kwa mphamvu yace. 11 Tabvalani zida zonse za Mulungu, kuti mudzakhoze kucirimika pokana macenjerero a mdierekezi.

AEfeso 6:13-17 Mwa ici mudzitengere zida zonse za Mulungu, kuti mudzakhoza kuima citsutsire pofika tsiku loipa, ndipo, mutacita zonse, mudzacirimika. 14 Cifukwa cace cirimikani, mutadzimangira m'cuuno mwanu ndi coonadi, mutabvalanso capacifuwa ca cilungamo; 15 ndipo mutadzibveka mapazi anu ndi makonzedwe a Uthenga Wabwino wa mtendere; 16 koposa zonse mutadzitengeranso cikopa ca cikhulupiriro, cimene mudzakhoza kuzima naco mibvi yonse yoyaka moto ya woipayo. 17 Mutengenso cisoti ca cipulumutso, ndi lupanga la Mzimu, ndilo Mau a Mulungu;

AHebri 4:12 Pakuti mau a Mulungu ali amoyo, ndi ocitacita, ndi akuthwa koposa lupanga lakuthwa konse konse, napyoza kufikira kugawira moyo ndi mzimu, ndi zimfundu ndi mafuta a m'mafupa, nazindikiritsa zolingirira ndi zitsimikizo za mtima.

**Luka 4:8 Ndipo Yesu anayankha, nati kwa iye, Kwalembedwa, kuti, Ambuye
Mulungu wako uzimgwadira, Ndipo iye yekha yekha uzimtumikira,**

**AEfeso 6:18 mwa pemphero lonse ndi pembedzero mupemphere nthawi
yonse mwa Mzimu, ndipo poeezera pamenepo cicezerere ndi
kupembedzera oyera mtima onse,**

**1 Samueli 17:45-47 Ndipo Davide anati kwa Mfilistiyo, Iwe ukudza kwa ine ndi
lupanga, ndi mkondo, ndi nthungo; koma ine ndafika kwa iwe m'dzina la
Yehova wa makamu, Mulungu wa ankhondo a Israyeli amene iwe
unawanyoza. 46 Lero lino Yehova adzakuperekira iwe m'dzanja langa, ndipo
ndidzakukantha, ndi kukucotsera mutu wako. Ndipo lero ndidzapatsa
mitembo ya makamu a Afilisti kwa mbalame za mlengalenga, ndi kwa
zirombo za dziko lapansi; kuti dziko lonse likazindikire kuti kwa Israyeli
kuli Mulungu. 47 Ndi msonkhano wonse uno udzazindikira kuti Yehova
sapulumutsa ndi lupanga, kapena ndi mkondo; pakuti Yehova ndiye mwini
nkhondo, ndipo iye adzakuperekani inu m'manja athu.**

**Luka 10:17-20 Ndipo makumi asanu ndi awiri aja anabwera mokondwera,
nanena, Ambuye, zingakhale ziwanda zinatigonjera ife m'dzina lanu. 18
Ndipo anati kwa iwo, Ndinaona Satana alinkugwa ngati mphezi wocokera
kumwamba. 19 Taonani, ndakupatsani ulamuliro wakuponda pa njoka ndi
zinkhanira, ndi pa mphamvu iri yonse ya mdaniyo; ndipo kulibe kanthu
kadzakuipsani konse. 20 Koma musakondwera nako kuti mizimu
idakugonjerani, koma kondwerani kuti maina anu alembewa m'Mwamba.**

**2 AKorinto 10:3-5 Pakuti pakuyendayenda m'thupi, siticita nkhondo monga
mwa thupi, 4 (pakuti zida za nkhondo yathu siziri za thupi, koma
zamphamvu mwa Mulungu zakupasula malinga); 5 ndi kugwetsa
matsutsano, ndi cokwezeka conse cimene cidzikweza pokana ddziwitso
ca Mulungu, ndi kugonjetsa ganizo lonse ku kumvera kwa Kristu;**

**Mateyu 16:19 Ndidzakupatsa mafungulo a Ufumu wa Kumwamba; ndipo
cimene ukamanga pa dziko lapansi cidzakhala comangidwa Kumwamba:
ndipo cimene ukacimasula pa dziko lapansi, cidzakhala comasulidwa
Kumwamba.**

**2 Timoteo 1:7 pofuna kukhala aphunzitsi a lamulo ngakhale sadziwitsa
zimene azmena, kapena azilimbikirazi.**

**Mateyu 12:28,29 Koma ngati Ine ndimaturutsa ziwanda ndi mphamvu yace ya
Mzimu wa Mulungu, pomwepo Ufumu wa Mulungu unafika pa inu. 29
Kapena akhoza bwanji munthu kulowa m'banja la munthu wolimba, ndi
kufunkha akatundu ace, ngati iye sayamba kumanga munthu wolimbayo?
ndipo pamenepo adzafunkha za m'banja lace.**

**AEfeso 1:13 Mwa Iyeyo inunso, mutamva mau a coonadi, Uthenga Wabwino
wa cipulumutso canu; ndi kumkhulupirira iye, munasindikizidwa cizindikilo
ndi Mzimu Woyera wa lonjezano,**

**Macitidwe 19:6 Ndipo pamene Paulo anaika manja ace pa iwo, Mzimu Woyera
anadza pa iwo; ndipo analankhula ndi malilime, nanenera.**

**Marko 16:15-18 Ndipo ananena nao, mukani ku dziko lonse lapansi, lalikirani
Uthenga Wabwino kwa olengedwa onse. 16 Amene akhulupirira
nabatizidwa, adzapulumutsidwa; koma amene sakhulupirira adzalangidwa.
17 Ndipo zizindikilo izi zidzawatsata iwo akukhulupirira; m'dzina langa
adzaturutsa ziwanda; adzalankhula ndi malankhulidwe atsopano; 18
adzatola njoka, ndipo ngakhale akamwa kanthu kakufa nako,
sikadzawapweteka; adzaika manja ao pa odwala, ndipo adzacira.**

**1 Yohane 1:9 Ngati tibvomereza macimo athu, ali wokhulupirika ndi
wolungama iye, kuti atikhululukire macimo athu, ndi kutisambitsa
kuticotsera cosalungama ciri conse.**

**Eksodo 20:5 usazipembedzere izo, usazitumikire izo; cifukwa Ine Yehova
Mulungu wako ndiri Mulungu wansanje, wakulanga ana cifukwa ca atate
ao, kufikira mbadwo wacitatu ndi wacinai wa iwo amene akudana ndi Ine;
MaSalmo 109:17 Inde, anakonda kutemberera, ndipo kudamdzera mwini;
Sanakondwera nako kudalitsa, ndipo kudamkhalira kutali.**

**Oweruza 16:16 Ndipo kunali, popeza anamuumiriza masiku onse ndi mau ace,
oamkakamiza, moyo wace unabvutika nkufuna kufa.**

**AEfeso 4:26 Kwiyani, koma musacimwe; dzuwa lisalowe muli cikwiyire,
ARoma 14:12 Cotero munthu ali yense wa ife adzadziwerengera mlandu wace
kwa Mulungu.**

**1 Yohane 2:23 Yense wakukana Mwana, alibe Atate; wobvomereza Mwana ali
ndi Atatenso.**

**Yohane 14:6 Yesu ananena naye, ine ndinenjira, ndi coonadi, ndi moyo. Palibe
munthu adza kwa Atate, koma mwa Ine.**

**Mateyu 11:28-30 Idzani kuno kwa Ine nonsenu akulema ndi akuthodwa, ndipo
Ine ndidzakupumulitsani inu. 29 Senzani gori langa, ndipo phunzirani kwa
Ine; cifukwa ndiri wofatsa ndi wodzicepetsa mtima: ndipo mudzapeza
mpumulo wa miyoyo yanu. 30 Pakuti gori langa liri lofewa, ndi katundu
wanga ali wopepuka.**

**2 AKorinto 6:2 (pakuti anena, M'nyengo yolandiridwa ndinamva iwe, Ndipo
m'tsiku la cipulumutso ndinakuthandiza; Taonani, tsopano ndiyo nyengo
yabwino yolandiridwa, taonani, tsopano ndilo tsiku la cipulumutso);**

**ARoma 10:13 pakuti ndi mtima munthu akhulupira kutengapo cilungamo; ndi
m'kamwa abvomereza kutengapo cipulumutso.**